

# **REFERAT MIA - Meeqqanut Ilaqutariinnullu Ataatsimiititaq d. 19-10-2023**

**Mødedato** Torsdag d. 19. oktober 2023 kl. 18:00

**Mødested** Kommunalbestyrelsesip ataatsimiittarfiani

## Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Meeqqanut Ilaqutariinnullu Ingerlatsivimmut kisitsisit pingaarnert pillugu ilisimatitsissut.....	6
Det Nationale Sorgcenteri Aliasqatit suleqatigiinnissamut isumaqatigiissut pillugu ilisimatitsissut.	10
Inunnut innarluutilinnut tunngasuni suliaasaqarfimmi nakkutilliinermik nalunaarusiaq pillugu ilisim	13
Meeqqat angerlarsimaffiannut Tupaarnamut ileqqoreqqusanik akuersissuteqarneq.....	17
Lukket.....	20
Taasariaqartut allat.....	21
Imaqarniliap akuerineqarnera.....	22

## **Punkt .: Saqqaa**

### **Ilaasortat:**

Naya Sophia Pedersen Lyberth (IA) Formand

Harald Bianco (IA)

Charlotte Ludvigsen (IA)

Inge Olsvig Brandt (IA)

Laura Taunâjik Uitsatikitseq (S)

### **Beslutning**

Ataatsimeeqataasut:

Naya Sophia Pedersen Lyberth (IA)

Inge Olsvig Brandt (IA)

Attaveqaatitigut peqataasut:

Harald Bianco (IA)

Charlotte Ludvigsen (IA)

Laura Taunâjik Uitsatikitseq (S)

## **Punkt .: Oqaluserisassat akuerineqarnerat**

### **Beslutning**

Oqaluserisassat akuersissutigineqarput.

## **Punkt .: Nalunaarutit**

Siulitaasumiit nalunaarutit  
Ingerlatsivimmiit nalunaarutit

### **Beslutning**

#### **Siulittaasumiit nalunaarutit**

- Ataatsimiititaq angalanikuuvoq (pilersaarutaasumit sivisunermik). Angalaneq paasisaqarfiulluarpoq. Suliniutit pitsaasut amerlasuut Tasiilami ingerlanneqartut paasisaqarfigineri iluanaarutaaqaaq, inoqarfinnullu minnerusunut tikeraarneq aamma paasisaqarfiuvoq.

- Inissititerneq una atorlugu naggataamik ataatsimiititaq ataatsimiissammat, periarfissaq iluatsillugu suleqatigiinnermut pitsaasumut qujarusuppunga.

#### **Ingerlatsivimmit nalunaarutit**

- Ulloq ataaseq workshop ingerlanneqarpoq Isumaginninnermut Aqutsisoqarfimmit saqqummiussisoqarluni (suliatigut naliliinerit, inatsisit, case-t)

- Tasiilami meeqqat illuat inissingajalerpoq.

- Komponent sapaatip akunnerata tulliani tikeqqissaaq inissiisarnermullu suliassaqarfimmik misissueqqissaarnertik nangeqqissallugu.

# **Punkt 1: Meeqqanut Ilaqutariinnullu Ingerlatsivimmut kisitsisit pingaarnerit pillugu ilisimatitsissut**

## **Beslutning**

Ilisimatitsissut tusaatissatut tiguneqarpoq,

## **Bilag**

Piffissami januaarimiit juulimut 2023 kisitsisit pingaarnerit



## Meeqqanut Ilaqutariinnullu Ingerlatsivimmut kisitsisit pingaarnerit pillugu ilisimatitsissut

Ilisimatitsissut

SagsID.: EMN-2023-03929

Meeqqanut Ilaqutariinnullu Ingerlatsivik – pisortaagallartoq Severin Berg / SEBE

### Inassuteqaat

Meeqqanut Ilaqutariinnullu Ingerlatsivimmit Meeqqanut Ilaqutariinnullu Ataatsimiititamut inassuteqaatigineqarpoq:

- Ilisimatitsissut tusaatissatut tiguneqassasoq

### Suliamik saqqummiineq

Kommunip angerlarsimaffiup avataanut inissiisarneri aammalu Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq naapertorlugu aamma allatut ikiorsiisarneri pillugit Meeqqanut Ilaqutariinnullu Ingerlatsiviup kisitsisit pingaarnerit ingerlaavartumik suliarisarpai. Taamaattumik kisitsisini pingaarneri takussutissiariniarneqarpoq, suliat ingerlasut qassiunersut taakkulu nikerarneri.

Angerlarsimaffiup avataanut inissiinerit pillugit makku misissuiffigineqarput: Ulloq unnuarlu angerlarsimaffimmut inissiinerit, meeqqat inuusuttullu innarluuteqartut ulloq unnuarlu angerlarsimaffinnut inissinneqartut, angajoqqaarsianut inissiinerit aammalu aningaasarsiutigalugu angajoqqaarsianut inissiinerit. Meeqqanut suliaassaqarfimmut App-ip atuutilersinniarneqarnera ingerlatsivimmi ajornartorsiutitaqalaarsimavoq, taamaattumillu kisitsisit pingaarnerit kingusinaartumik saqqummiunneqarput. Kisitsisit pingaarnerit siunissami qaammatit pingasukkaarlugit ataatsimiititamut saqqummiunneqartalissapput. Kisitsisit pingaarnerit ilaneqarnissaannik iluarsuiffigineqarnissaannik ataatsimiititaq kissaateqassagaluarpai, tamanna soorunami suliarineqarumaarpoq. Takussutissiat ataaniittut ataasiakkaat ilanngussaq 1 naapertorlugu nassuiaatigineqarput, naatsunnguamik.

#### Takussutissiaq 1: Angerlarsimaffiup avataanut inissinneqartut:

Januaarimiit juulip qaammataata tungaanut meeqqat angerlarsimaffiup avataanut inissinneqartut amerlavallaarsimangillat kisiannili qaammammiit qaammammut allanngorarsimallutik. Ataatsimulli isigalugu amerliartuaarnerat malunnarpoq.

Meeqqat inuusuttullu innarluuteqartut ulloq unnuarlu angerlarsimaffinnut inissinneqarsimasut eqqarsaatigalugit aamma kisitsisit annertugisassaangillat. Annikitsumik allanngorarnerit, akigititat naapertorlugit akiligassiissutini nikittoqarneranik peqquteqarput.

Januaarimi 2023-mi meeqqat inuusuttullu 23-t innarluuteqartut, ulloq unnuarlu angerlarsimaffinnut inissinneqarput aammalu juulip qaammataani kisitsit allannguuteqarani.

#### Takussutissiaq 2: Angerlarsimaffiup avataanut inissinneqartut pillugit takussutissiaq

Tassani takuneqarsinnaavoq angerlartinneqartut qassiunneri, meeqqat inuusuttullu angerlarsimaffiup avataanut inissinneqarsimasut tunngavigalugit. Piffissami januaarip juulillu qaammataasa akornanni 2023-mi meeqqat arfineq-marluk angajoqqaaminnut angerlartinneqarput,



ulloq unnuarlu angerlarsimaffimmeereerlutik. Meeqqat 18-inik ukioqalersimasut eqqarsaatigalugit, Isumaginninnermut Ingerlatsivimmut suliassanngortinneqartartut piffissami qulaani taaneqartumi sisamaasimapput.

### Takussutissiaq 3: Meeqqat qassit ilaqutariinnut 2023-mi inissinneqarsimasut pillugit takussutissiaq

Tassani takuneqarsinnaapput meeqqat inuusuttullu ilaqutariinnut inissinneqarsimasut qassiuneri, kommunimi illoqarfinni sisamaasuni. Ataatsimut isigalugu, qaammatikkaartumik takussutissiami kisitsisit amerliartorsimangillat januaarimi 168-it ilaqutariinnut inissinneqarsimagamik aammalu 2023-mi juulip qaammataani ilaqutariinnut inissinneqarsimallutik 165-it.

### Takussutissiaq 4: Ilaqutariit angajoqqaarsiaasartut qassiunerinik takussutissiaq

Tassani takussutissiarineqarpoq Kommuneqarfik Sermersuumi angajoqqaarsiaasartut nalinginnaasut aningaasarsutigalugulu angajoqqaarsiaasartut qassiunersut. Illoqarfiit Nuuk, Tasiilaq aamma Paamiut assigiissutigaa, piffissami januaarimiit juulip qaammataata tungaanut 2023-mi, angajoqqaarsiaasartut ikileriaateqarsimanerat. Suliamik saqqummiussitutit siuliini oqaluttuarineqarpoq, ilaqutariit angajoqqaarsiaasartut akissarsiaat ilaqutariit angajoqqaarsiaasartut suliassaannut sanilliullugit angummaffiusinnaaneq ajortut. Aamma allaaserineqarpoq, suliassaqarfimmi ajornartorsitutit allat tassaasut meeqqat inuusuttullu angerlarsimaffiup avataanut inissinneqartartut ataatsimik arlalinnilluunniit nappaatillit amerliartuinnartut. Tamanna angajoqqaarsianut piumasaaqateqarnerulerpoq taamaalillunilu angajoqqaarsianik pisariaqartinneqartunik allannguilluni. Angajoqqaarsiaassarsiortarneq ajornakusoortuuvoq meerarsianik nappaatilinnik tiguserusinnaasunik.

### Takussutissiaq 5 aamma 6: Misissuinnermik suliat

Takussutissiami takuneqarsinnaavoq, suliat qassit isumaginninnermi suliatigut ingerlanneqartut qassiunersut, piffissami 01.01.2023-miit 31.07.2023-mut pilersinneqartut aammalu piffissami tassani suliat qassit matuneqarsimanersut. Kisitsisini takunerqarsinnaangilaq misissuinnerit qasserpiaasimanersut, katillugit Ingerlatsivimmi ingerlanneqartut, kisianni takussutissiarineqartut taamaallaat piffissami 01.01.2023-miit – 31.07.2023-mut suliat pilersinneqarsimasut isumaginninnermi suliatigut misissuiffiqarsimaneri takussutissiarineqarpoq.

### Takussutissiaq 7: Nalunaarutiginninnerit

Kisitsisini takuneqarsinnaavoq, piffissami 01.01.2023-miit – 31.07.2023-mut nalunaarutiginninnerit qassiunersut. Kisitsisit siuliineersut siornatigullu suliamik saqqummiussiisutaasartut tamatumunnga tunngasut qivaraanni, takuneqarsinnaavoq 2022-mi ukiup affaani siullermi nalunaarutiginnissimanerit 1594-iusimasut. Taamaattumik takussutissartaatigut nikerartoqarpallaangilaq ukiut siuliinut naleqqiullugu nalunaarutiginninnerit qassit Ingerlatsivimmiit tiguneqartut eqqarsaatigalugit.

### Takussutissiaq 8: Suliat siunnersuinnermut tunngasut ingerlasut

Takussutissiami takuneqarsinnaapput Meeqqanut Ilaqutariinnullu Ingerlatsivimmi suliat ingerlasut matuneqareersullu. Suliat siunnersuinnermut tunngasut tassaapput, ajornartorsit pineqartoq pillugu ilaqutariit siunnersorneqarlutillu aqutissiuunneqarsinnaaffii. Nalunaaruteqartoqartillugu ingerlatsivimmi sulisut piareersimasut taakkuupput siunnersuillutillu aqutissiuussisartut. Nalunaaruteqartoqartillugu sulisut piareersimasuutinneqartut tassaapput sullissisut tallimat, taamaattumillu missiliuusiorsinnaavarput nalunaaruteqartoqartillugu piareersimasut tamarmik



immikkut siunnersuinnermut sulianik 25-nik ingerlataqarsinnaasut, nalunaarutiginninnerit nalilersugassat saniatigut.

#### Takussutissiaq 9: Suliniuteqareermermi malinnaaffiginninneq

Tassani takuneqarsinnaapput kommunimi illoqarfinni sisamaasuni inuusuttut suliniuteqareermermi malinnaaffigineqartut qassiuneri. Kisitsisit amerlanertigut aalaakkaasuupput, kisianni takussutissiami takuneqarsinnaavoq tamakkiisumik ikiliartortut januaarip qaammataani inuusuttut suliniuteqareermermi malinnaaffigineqartut 15-iusimagaluartut juulip qaammataani aqqaneq-marlungorsimmamata. Angerlarsimaffiup avataanut inissiinerit pillugit kisitsituulli kisitsit taakku Ingerlatsiviup ulloq unnuarlu akigititaanit aaneqarsimapput. Taamaattumik meeqqat inuusuttullu suliniuteqareermermi malinnaaffigineqartut kisimik pineqarput, sulii ulloq unnuarlu angerlarsimaffimmi najugaqarlutik suliniuteqareermermi malinnaaffigineqartut. Taamaattumik kisitsisit inaarutaasut inuusuttut suliniuteqareermermi malinnaaffigineqartut pillugit takussutissiami 9-mi allassimasuniit amerlanerupput.

#### Takussutissiaq 10 aamma 11: Suliat qanoq ittuuneri

Takussutissiani takuneqarsinnaapput tamakkiisumik suliat kommunimi illoqarfinni sisamaasuniittut, aammalu takuneqarsinnaallutik suliat assigiinngitsut pineqartut agguaqatigiissinnerini sumut tunngasuuneri. Takussutissiami 11-mi takuneqarsinnaapput kommunimi illoqarfinni sisamaasuni sullissisut suliaasa agguataarneqarneri. Suliat sullissisumut ataatsimut amerlassusiat eqqarsaatigalugu, Naalakkersuisut - Kommunit - aammalu Kalaallit Nunaanni inunnik isumaginninnermi siunnersortit peqatigiiffiat, sullissisoq ataaseq qassinik suliaqarsinnaanerani amerlassusiliinikuunngillat. Kisianni Qallunaat nunaanni Inunnik isumaginnittut kattuffiat isumaqarpoq, suliat qassiunissaannik najoqqutarineqakkajuttartuq sullissisoq ataaseq 20-t 30-illu akornanni suliaqarsinnaasoq.

#### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaatillit**

- Meeqqat tapersersorneqarnissaannut Inatsisartut inatsisaat nr. 20, 26. juuni 2017-imeersoq

#### **Ilanngussat**

1. Piffissami januaarimiit juulimut 2023 kisitsisit pingaarnertit

## **Punkt 2: Det Nationale Sorgcenteri Aliasqatit suleqatigiinnissamut isumaqatigiissut pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Det Nationale Sorgcenteri Aliasqatit aamma Kommuneqarfik Sermersuup akornanni suleqatigiinnissamut isumaqatigiissut



## **Det Nationale Sorgcenteri Aliasogatit suleqatigiinnissamut isumaqatigiissut pillugu ilisimatitsissut**

Ilisimatitsissut

SagsID.: EMN-2023-03878

Meeqqanut Ilaqutariinnullu Ingerlatsivik – pisortaagallartoq Severin Berg / SEBE

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq

### **Suliamik saqqummiineq**

Det Nationale Sorgcenteri Aliasogatit aamma Kommuneqarfik Sermersuup akornanni suleqatigiinnissamut isumaqatigiissut pillugu matumuuna Meeqqanut Ilaqutariinnullu Ingerlatsivimmiit ataatsimiititamut ilisimatitsissutigineqarpoq.

Det Nationale Sorgcenteri Aliasogatiniit Nuummi Aliasogatigiinnik pilersitsinissaq sulissutigineqarpoq, tamannalu Kommuneqarfik Sermersuumi Meeqqanut Ilaqutariinnullu Sullissivimmiit isumaqatigiissut una atorlugu tamakkiisumik taperserneqarpoq ilaatigut peqataanik meeqqanut, inuusuttunut taakkulu ilaqutaannut tapersersuinissamik katsorsaanissamillu sullissisut neqeroorutaannut kajumissutsimik aliasuuteqartut tapersersornissaannut neqeroorummut ilassutitut suleqatigiissutigineqassalluni.

Isumaqatigiissummi allaqqavoq Det Nationale Sorgcenteri Aliasogatit aamma Kommuneqarfik Sermersuumi Meeqqanut Ilaqutariinnullu Sullissivik peqatigiillutik ilaqutaasut aamma meeqqat, inuusuttut ilaqtallu qimagaasut pisariaqartitartik naapertorlugu tapersersorneqarlutillu katsorsartinneqarnissaat qulakkeerneqassasoq akisussaaffigissallugu. Tamatuma saniatigut allaqqavoq suleqatigiit oqalliffiusartussamik pilersitsisoqassasoq tassaniissappullu sulisut Det Nationale Sorgcenteri Aliasogatineersut aamma Kommuneqarfik Sermersuumi Meeqqanut Ilaqutariinnullu Sullissivimmeersut. Oqalliffiusartut atorneritigut ilaatigut Aliasogatinit neqeroorutit kommunip sulisui aqutugalugit ersarissuunissaq ilisimasaqarfiginissaalu qulakkeerneqassapput, meeqqat inuusuttullu Aliasogatinit innersuunneqarnissaannut tunngaviit takuneqarsinnaallutik kiisalu sulisut akornanni aliasuutit aamma annasaqariartornermi aliasuutit pillugit paasisat katersorneqassallutik.

Nuummi najukkami immikkoortortamik pilersitsinermut atatillugu suleqatigiinnissamut isumaqatigiissut atuutilissaaq atuutissaarlu 31. decembari 2026-ip tungaanut, tamatuma kingorna isumaqatigiissut atorunnaassaaq imaluunniit nutarterneqassaaq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfirmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**



- Meeqqat ilaqtariillu ilungersunartorsiortut pillugit Kommuneqarfik Sermersuumi politikki 2020 - 2024

### **Ilannussat**

1. Det Nationale Sorgcenteri Aliasqatit aamma Kommuneqarfik Sermersuup akornanni suleqatigiinnissamut isumaqatigiissut

## **Punkt 3: Inunnut innarluutilinnut tunngasuni suliassaqarfimmi nakkutilliinermik nalunaarusiaq pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Nakkutilliinermik nalunaarut

Innarluutilinnik suliassaqarfimmi nakkutilliineq pillugu tusarniaanermut akissuteqaat SI

Innarluutilinnik suliassaqarfimmi nakkutilliineq pillugu tusarniaanermut akissuteqaat MI

Nakkutilliisuutitanut akissut SI

Nakkutilliisuutitanut akissut MI

## **Inunnut innarluutilinnut tunngasuni suliassaqarfimmi nakkutilliinermik nalunaarusiaq pillugu ilisimatitsissut**

Piffissami 2022-mi oktobarip 19-ianiit 2023-mi juunip aappaanut inunnut innarluutilinnut tunngasunik nakkutilliinerit ingerlanneqarput

Ilisimatitsissut

SagsID.: EMN-2023-03934

Meeqqanut Ilaqutariinnullu Ingerlatsivik – pisortaagallartoq Severin Berg / SEBE

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup aamma Meeqqanut Ilaqutariinnullu Ingerlatsiviup Suliffeqarnermut Isumaginninnermullu Ataatsimiititamut aamma Meeqqanut Ilaqutariinnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliamik saqqummiineq**

Isumaginninnermut, Suliffeqarnermut Nunamullu Namminermut Naalackersuisoqarfiup nakkutilliititaat piffissami oktobarimit 2022 juunimut 2023 kommunip ingerlatsineranik isumaginninnermilu allaffissornikkut meeqqat inersimasullu innarluutillit tapersorsorneqarnissaannut inatsimmik atuutsitsineranik nalunaaruteqaqqaarlutik nakkutilliipput. Nuummi qitiusumik ingerlatsivik aamma Tasiilami, Paamiuni Ittoqqortoormiinilu ingerlatsiviup immikkoortortai nakkutilliisunit pulaarneqarput. Katillugit suliat meeqqanut tunngasut arfineq pingasut suliallu inersimasunut tunngasut 43-t misissuiffigineqarput.

Nakkutilliineq tunngavigalugu nakkutilliisut allaganngorlugu nalunaarusiorput, 19-inik piumasaaqatitalinnik innersuussutitalerlugit aamma sisamanik pisussaaffiliisunik kommunimut uparuaassutitalerlugu, innersuussutigineqarluni Isumaginninnermi suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersumi § 66.

Nakkutilliisimanermi nalunaarusiaq piffissami 2023-mi juunip 14-ianiit 30-annut tusarnutigineqarpoq. Meeqqanut Ilaqutariinnermullu Ingerlatsivik aamma Suliffeqarnermut Isumaginninnermullu Ingerlatsivik tusarniummut atatillugu kukkunernut amigaatinullu tunngasunut akissuteqarput (tusarniummut akissutit ilanngussatut ilanngunneqarsimasut innersuussutigalugit). Kingorna tusarniaanermut akissutit nakkutilliinermiit nalunaarusiap inaarsarneranut ilanngunneqarput.

Inaarutaasumik nalunaarusiaq Meeqqanut Ilaqutariinnermullu Ingerlatsivimmi aamma Suliffeqarnermut Isumaginninnermullu Ingerlatsivimmi tigoreerlugulu immikkut tamarmik nalunaarusiami uparuaatigineqartut ingerlatsivimmi qanoq aaqqiissuteqarfigissanerlugit pillugu nakkutilliisunut nassuiaasiorput (ilanngussaq takuuk). Ingerlatsivinnit marluusunit nakkutilliisut uparugaanni immikkoortut pingaernerit aqqitassatut akuersissutigineqarput tamakkulu tunngavigalugit iluarsisassat sulissutigilereerlugit.

### **Meeqqanut Ilaqutariinnullu Ingerlatsivimmit oqaaseqaat**

Meeqqanut Ilaqutariinnullu pissutsit nakkutilliisunit uparuarneqartut aaqqiiviginiarlugit nakkutilliisut ilitsersuinerat malillugu arlalitsigut iliuuseqarlutik aallartitsipput. Meeqqanut inuusuttunullu innarluutilinnut tamanu ukioq naatinngu iliuusissatut pilersaarummik suliaqartoqarnissaa siunniullugu ingerlatsivimmit suliat meeqqanut tunngasut allagaatigineqartut iliuusissatullu

pilersaarummik amigaatillit allattorsimaffiat nutarterneqarpoq. Ingerlatsivimmit naammagittaalliuutit Isumaginninnermik Naammagittaalliuuteqartarfimmut aamma Inatsisartut Ombudsmandiannut ingerlanneqartussat aaqqissuulluakkamik suliarineqaleruttorput, naammagittaalliuutit kisitsisinngorlugit ajornannginnerusumik tigussiffigisarumallugit. Tassunga ilanngullugu ingerlatsivik meeqqanut aamma innarluutilinnut inatsit, paasitinneqarsinnaatitaanermut, allattuisussaataaeremut tunngaviumillu suliamik sullissineq pillugit ilinniartitsinissamik pilersaarusiuleruttorpoq ilanngullugit suliat innuttaasunut tunngasut torersarneqarlutik aamma uppernarsaatit amigaataasut scannerlugit GetOrganized-imut iliorarneqarlutik.

### Suliffeqarnermut Isumaginninnermullu Ingerlatsivimmit nutaarsiassat

Isumaginninnermut Suliffeqarnermullu ingerlatsivimmit nassuerutigineqarpoq innarluutilinnik suliassaqaarfimmi sullissineq unamminiarnartoqartoq. Suliassaqaarfik ingammik sulissarsiniarnikkut ajornartorsiuteqarfiusimavoq sivitsortumillu atorfinni tallimaasuni atorfiit pingasut inuttaqarsimanatik. Ingerlatsivik illup iluani aaqqissuussaaneermik allannguuteqartitsivoq, innarluutilinnik sullissineq aamma innarluutilinnut immikkoortortaqaq ataqtigiissaagaq septembarip 1-at 2023 aallarnarfigalugu Innarluutilinnut Tarnimikkullu nappaatilinnut nuunneqarluni, Isumaginninnermut Suliffeqarnermullu Ataatsimiititap ulloq 12 septembari 2023 ataatsimiinnerani ilisimatitsissutigineqartuut. Aaqqissuussaaneermik allannguuteqartitsinerup kingorna innarluutilinnik sullissisunut immikkoortortami ataqtigiissaarisumik atorfinitsitsisoqarpoq, utaqqiisaasumik inissamik tunniussisoqareernerata kingorna atorfinitsinneqartumik.

Peqqussutinut pisussaaffilerneqartunut tunngatillugu, Isumaginninnermut Suliffeqarnermullu Ingerlatsivik februaarimi 2023 peqqussutit pisussaaffilerneqartut pillugit tusarniaassummik tigusaqarpoq. Ingerlatsivik taakkununga akissuteqareersoq nakkutillisuutitanit peqqussutit marluusut aalajangersaaffigineqarput. Tamatuma kingorna Ingerlatsivimmit peqqussutit iliuuseqarfiginarlugit ilaatigut maajimi 2023, iliuusissatut pilersaarutiniq suliarinnittoqarpoq, Isumaginninnermut Suliffeqarnermullu Ataatsimiititap ulloq 30. maaji 2023 ilisimatitsissutaa naapertorlugu.

Nakkutillisuutitat peqqussutaat ilitsersuutitalik tunngavigalugu Isumaginninnermut Suliffeqarnermullu Ingerlatsivimmit pissutsit aaqqiiviginarlugit arlalitsigut iliuuseqarfiginerput. Ilaatigut Ingerlatsivimmit digitalikkut nalunaarsuinnermut tunngatillugu malittarisassat suleriutsillu piareersarlugit suliarineqaleruttorput, suliamik sullissinerit siunissaq eqqarsaatigalugu ingerlatsivimmi misissuinnermut sakkussanik pilersitsinissaq, sulianik sullissinerup aqunneqarsinnaanissaa siunertaralugu. Ingerlatsivimmit uppernarsaatit innarluutilinnik sulianut tunngasut, siusinnerusukkut nalunaarsuinnermi atortorissaarummit maanna atorneqalersumut nussorneqaleruttorput. Tassunga ilanngullugu ingerlatsiviup allattuisussaataaneq suliamillu sullissinnermi inatsisit pillugit ilinniartitsinissat pilersaarusiuleruttorpai, najugaqatigiiffinnut utaqqisut allattorsimaffiannik annertuumik torersaalluni aammalu suliani iliuusissatut pilersaarummik amigaateqarfiusuni, iliuusissatut pilersaarusanik suliaqaleruttorluni.

### **Ingerlatsivimmit aningaasatigut sulisoqarnikkullu naliliinerit**

Aningaasaqarnikkut sulisoqarnikkullu kinguneqarnaviangilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Isumaginnittoqarfiup aqunneqarnera aaqquussaaneralu pillugit Inatsisartut peqqussutaat nr 11, 12. novembari 2001-imeersoq
- Isumaginninnermik suliasaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq

### **Ilanngussat**

1. Nakkutilliinermi nalunaarut
2. Innarluutilinnik suliasaqarfimmi nakkutilliineq pillugu tusarniaanermut akissuteqaat SI
3. Innarluutilinnik suliasaqarfimmi nakkutilliineq pillugu tusarniaanermut akissuteqaat MI
4. Nakkutilliisuutitanut akissut SI
5. Nakkutilliisuutitanut akissut MI

## **Punkt 4: Meeqqat angerlarsimaffiannut Tupaarnamut ileqqoreqqusanik akuersissuteqarneq**

### **Beslutning**

Inassuteqaat akuersissutigineqarpoq.

### **Bilag**

Meeqqat angerlarsimaffianni Tupaarnamut ileqqoreqqusaq



## **Meeqqat angerlarsimaffiannut Tupaarnamut ileqqoreqqusanik akuersissuteqarneq**

Aalajangiiffigisassaq

SagsID.: EMN-2023-03479

Meeqqanut Ilaqutariinnullu Ingerlatsivik – pisortaagallartoq Severin Berg / SEBE

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- Meeqqat angerlarsimaffiannut Tupaarnamut ileqqoreqqusat akuerineqassasut

### **Suliamik saqqummiineq**

Meeqqat angerlarsimaffiat Tupaarnaq ingerlatsinissamik isumaqatigiissutip akuerineqarnissaanik suliaqarpoq, taamaalilluni meeqqat angerlarsimaffiat ulloq unnuarlu paaqqinnittarfittut akuerineqartussanngorlugu. Tassunga atatillugu meeqqat angerlarsimaffiat akuerisanik ileqqoreqqusaqassaaq aamma Kommuneqarfik Sermersuumi Piginnaatitsinermik agguataarinermut pilersaarut naapertorlugu sumiiffimmi ileqqoreqqusanik aalajangiisinnaaneq ataatsimiititap suliaasaqarfianiippoq. Taamaattumik Meeqqanut Ilaqutariinnullu Ingerlatsivik meeqqat angerlarsimaffiannut ileqqoreqqusat eqqartornissaat pillugu kingornatigullu ataatsimiititap ileqqoreqqusap akuerineqarnissaanut aalajangeqqullugu ataatsimiititamut qinnuteqarpoq.

### Ataani allaqqasut ileqqoreqqusaniipput:

Tupaarnaq meeqqat angerlarsimaffigaat meeqqanut inuusuttunullu qulingiluanut 4-18-inut ukiulinnut inissaqartitsisoq.

Meeqqat angerlarsimaffiat forständerimit aqunneqarpoq, meeqqanut immikkoortortaqqarpoq meeqqanut arfinilinnut inissaqarluni aamma inuusuttunut immikkoortortaqqarpoq inuusuttunut pingasunut inissaqartoq agguataarlugu aaqquussuussalluni, immikkoortortat tamarmik aqutsisoqarput, forständeri qaninnertut aqutsisoralugu.

Tupaarnami anguniarneqarpoq meeqqat inuusuttullu pillugit perorsaanikkut sulinissaq, ataasiakkaallu nammineq naleqarnerat, imminut tatiginerat kinaassusaallu nukittorsarneqassasoq. Tamanna paaqqinnittarfiit angajoqqaallu akornanni qanimut suleqatigiinnikkut pisarpoq. Taassuma saniatigut ataasiakkaat katsorsarneqarnissaannut pilersaarusiortoqartarpoq, Tupaarnamilu ulluinnaat siumut pilersaarusiukkat aaqquussuussallu qulakkeerneqartarput, meeqqat inuusuttullu inersimasunik isumassuisunik meeqqanut ataasiakkaanut inissaqartitsisunik isumagineqartarlutik. Forständeri Tupaarnap ulluinnarni aqunneqarneranut ingerlatsinermullu akisussaasuvoq. Kommunimi sulisunut maleruagassat, inatsisit isumaqatigiissutillu atuuttut malillugit ulluinnarni aqutsisoq sulisunik atorfinitsitsisarpoq soraarsitsillunilu. Meeqqat angerlarsimaffiata siunertaata piviusunngortinnissaa kiisalu suliat allaaserineqarneri atuuttut malillugit Tupaarnap ingerlanneqarnissaa ulluinnarni aqutsisup qulakkiissallugu akisussaaffigaa.

### **Ingerlatsivimmit aningaasatigut sulisoqarnikkullu naliliinerit**

Aningaasaqarnikkut sulisoqarnikkullu kinguneqarnaviangilaq.



## **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Piginnaatitsinermik agguataarinissamut pilersaarut
- Kommunimi ileqqoreqqusanut malittarisassat 24. aprili 2023-meersut

### **Ilannussat**

1. Meeqqat angerlarsimaffianni Tupaarnamut ileqqoreqqusaq

## **Punkt 5: Lukket**

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersisstigineqarpoq. nal. 15:00